

直隸絳州志卷之二

山川 水利附

姑射山在州西北四十里卽南華經所謂有神人居者堯治天下之民平四海之政往見四子藐姑射之山窅然喪其天下焉卽此

馬首山土人名馬頭山在州西北四十里互數百里東繇臨汾襄陵太平界迤邐而來西至稷山界隸州境三十五里一峯突出山上山後胥鄉甯界與姑射山隔一峪禱雨龍祠在焉史記趙盾田於首山卽此一名火燄山上有火燄池水最清冽山險難陟又名悔

直隸絳州志

卷之二 山川

一

來山

東至本州向家莊西至本州官莊

峩嶠山在州南二十里隸州境四十里迤邐自夏縣聞喜猗氏臨晉滎河諸縣西抵黃河東臨曲沃坡南隸

聞喜

東至本州楊家院莊西至本州弋家莊

九原山在州北二十里隸州境東西九里山面南平原突起土阜九區上有百神廟山產芫花檀弓趙文子與叔譽觀於九原卽此

鼓山卽古堆也在州西北二十五里接九原西坡周圍四里高五丈穹窿而圓形如覆釜人馬踐履有聲四周胥石磴下有泉池唐高祖克霍邑進攻臨汾郡犒

軍宿山上温大雅大唐創業起居注曰庚寅宿於絳郡西北之鼓山帝爲討捕大使時舊停營所故逗而宿焉去絳二十餘里絳城不下是日曉鼓山西北有大浮雲色或紫或赤似華蓋樓闕之形須臾有暴風吹來向營而臨帝所居帳上帝指絳城而謂傍侍曰風雲如此彼何不達之甚辛卯帝觀兵於絳取之朝食於正平縣令之宅

玉壁山在城西北隅高十丈有奇盤踞三里所謂玉壁

秋風也

在本城武平莊西鄰稷山小杜莊

陽石山

開山圖載陽石山在絳州北

直隸絳州志

卷之二

山川

二

定境山

金志載定境山汾水澮水鼓水

汾河在城南門外源出岢嵐州一出靜樂縣北管涔山東南入并州經靈石霍趙洪洞臨汾襄陵太平入州境西流入稷山至河津入河自州境南梁莊至周村莊入稷山縣隸州境九七十里 水經注汾水又西逕魏正平郡南故東雍州治太和中皇都徙洛罷州立郡又西逕王橋澮水入焉 又水經注汾水西與古水合又西南逕長修縣故城南漢高帝十一年以爲侯國封杜恬也有修水出縣南而西流入汾汾水又西逕清原城北故清陽亭也城北有清原晉侯蒐

清原作三軍處也

澮水在州南五里源出翼城縣澮高山西南過絳縣與絳水合西過虜祁宮又西南至州境自柳泉莊至橫橋莊入汾隸州境凡二十里

鼓堆清濁二泉源出九原山一曰清泉一曰灰泉土人名神泓以匯孚惠聖母祠南也 水經注古水出臨汾故城西黃阜下其大若輪西南流故橫溝出焉東注于汾今無水又西南逕魏正平郡北又西逕荀城東古荀國也 喬宇記泉發於九原山之西鼓堆者或曰其北突有二山高圓如鼓則泉以形似而名志

直隸絳州志

卷之二

山川

三

曰泉上有堆如覆釜形履之聲如鼓則泉以聲似而名泉有清濁二穴清東北濁西南北穴爲石口尺五許自匯爲池幅幘數丈其深半之溢而西折而南流南穴爲土口尺許傍砌以石亦匯池而南合於清流泉之東則隆然高原南北疇皆資泉而溉其南至於州城溉田二十五里入於汾

澤掌西北二里有眠窩泉瀉泉永和泉東北一里有龍頭泉合流後俱涸

蘭村西北山半泉水無聲卯午酉湧出有聲土人名溢

水

赤龍潭在大街北俗名泉兒坡後涸

龍谷泉在州東北十八里龍香村左傳龍見于絳郊卽

此

泉掌鎮關王廟前大泉分二支流鎮南鎮西 鎮東有

溝溝左一泉名大渠溝右一泉名小渠又有活潑泉

春口泉王馬庫泉蛇泉

薛郭泉在薛郭

丁村泉在丁村

龍頭泉在澤掌

修水 古水合汾汾水又西南逕長修縣故城南有修

直隸絳州志

卷之二

山川

四

水出縣南西南流入汾

乾棗澗土人名扶蘇水後涸

天井水後涸

水利

附

鼓堆清濁二泉合流而下漸成大溝溝上地水不能及

隋正平令梁軌謂水動物也順之則下激之則上乃

因地宜以激水迄今千餘歲雖小有變更而大勢則

因之卽今水道清泉下建木閘激水灌溝東之地三

泉莊二晝二夜白村并盧李村三晝二夜李村并盧

家莊一晝二夜孝陵五晝五夜石村五晝四夜王莊

二晝二夜磨頭二晝二夜祁郭三晝四夜北關四晝
四夜靈邱府一晝一夜州衙一晝一夜計二十九日
一周大溝漸濶漸深俗呼天河於席村北建石閘激
水東南灌白村地三頃西南灌席村李村蒲城地九
頃水西莊北建石閘激水經莊東稍南鐵鑄分水口
一口灌南北王馬莊三晝三夜龍泉莊三晝三夜蘇
村六晝六夜

通志作六晝五夜

古交莊三晝三夜

通

志作三晝四夜

周劉村六晝六夜計二十一日一周

一口注天河至三林北又建石閘激水灌三林橋東
橋西地無番次鼓堆西一渠經蔡村灌三泉地八頃

無番次今王府水番移灌民田

舊志云溝東水出自清泉混混從石中出歷代以
來雖大工不敢取石懼石去氣洩而泉涸也明萬
曆三十四年築汾堤取石於茲水西莊成梁亦復
取之迄今不禁相援爲例以有限之石供無限之
取則源之涸可立而待也識者不無杞憂焉
又舊志云王馬七莊水番時刻有期未到不敢先
既過不敢復重私約甚於重官法其在東渠則不
然稻地漸多臺池亦有是皆耗水之尤者其灌而
又灌更比比也彼均則有餘此偏則不足均之之

法不知如何則可

泉掌鎮關王廟前一大泉一支灌鎮南一支灌鎮西各地三四頃鎮東有水溝溝左一泉名大渠灌辛堡下堡韓梁左邊地二十五日一番溝石一泉名小渠灌辛堡下堡韓梁右邊地二十四日一番其他活潑泉春口泉王馬庫泉蛇泉各灌地不等

馬首山峪中雨水自稷山三界莊而下分爲二渠一經北董北張燕村行莊南杜塢一經南董李家莊梁莊郭馬武平各灌地不等

馬壁峪澗猛水亦諸山峪雨潦匯聚奔注澗壑之水也

直隸絳州志

卷之二

山川

六

附近村民築渠引水以資澆灌渠分三路東路灌漑稷邑三界莊併灌漑絳州北董官莊光馬等莊西路灌漑稷邑范家張家劉家東莊等莊中路灌漑稷邑李老大杜廉城等村莊地畝載諸省郡志乘班班可考緣絳州昔隸平陽府至雍正二年始改直隸是以馬首山峪水道州志雖有開註畧而未備厥後官莊民人在於中路上游開有偏渠渠口築立一堰名曰抱唇與李老莊界址毗連屢起爭端歷經委員勸明議定抱唇長寬高厚弓尺迨乾隆十五十七等年因修築抱唇疊次爭改節經

河東道憲喬詳蒙

各憲勘定照依舊址裁明界限鑄一鐵柱上鐫

河東道率同絳州稷山縣遵

旨文明官莊修築偏渠抱脣長六弓高四尺底寬六尺
面寬三尺字樣豎立脣口並將柱書勒石俾均沾水
利永定章程

蘭村西北山半出泉水細無聲每日卯午酉水湧出有
聲若潮汐然俗呼溢水經史家莊曲村柏壁灌溝澗
傍地不計數

澤掌西北二里有眠窩泉馮泉永和泉其利甚溥東北

直隸絳州志

卷之二

山川

七

一里有龍頭泉合流灌本莊鼓堆蔡村地二三頃此
水性寒不甚發苗今眠窩泉馮泉永和泉俱涸

薛郭出泉灌古交地一二頃

丁村泉灌本村葦地不計數

龍谷泉在城東北一十八里舊溉田甚多今流數十步

卽涸

舊志云水利係乎民生所以濟一方之荒旱輪番
挨次遞爲澆灌甯有爭端然爭端日相尋而巳
者皆上流得以操下流之急勢豪桀黠越次侵奪
澆灌不時且因而漁利焉至明季尤甚自

聖朝御宇憲紀嚴明水利番次均平清渠綠畝礪瘠易
而膏腴矣向之勢豪桀黠盡皆覆其宗而滅絕之
天道昭昭甚可畏也凡資水利者各宜恪守番次
勿相侵奪明鑒往者之失斯永享昇平之福歟

古蹟 陵墓附

荀城晉公族荀氏邑在州城西十五里水經注曰古水西南逕魏正平郡又西逕荀城東古荀國也汲郡古文晉武公滅荀以賜大夫原氏

臨汾故城在州東北二十五里獻公九年夏土蔦城絳卽此漢爲臨汾縣址存通志平陽志云東北二里未是按州舊志晉城二一在州城東北二十五里漢臨汾址今在太平縣界內一在州城東南五十里卽晉所遷之新田今在曲沃縣界內則臨汾故城舊絳蹟非今絳蹟也

直隸絳州志

卷之二

古蹟

九

柏壁城在州西南二十里秦王堡在焉後魏明元帝置柏壁鎮至太武帝廢鎮置東雍州北齊斛律光曾屯兵于此

武平關在州西三十里北齊屯兵以防周寇 唐志西有武平故關 通典姚襄城洪洞晉州武平關三關長秋鎮在州西北三十里卽今泉掌鎮北齊圍周宜陽韋季寬謂將帥曰宜陽一城之地未能損益然兩國爭之勞師數載彼若棄崤東來圖汾地我之疆界必見侵擾今宜於長秋速築城以杜賊患是歲齊人果解宜陽

王澤在州西七里 史記智伯瑤攻趙襄子襄子奔保
晉陽原過後至遇三人於王澤自帶以下不可見持
竹二節與原過曰爲我遺趙無恤過以告襄子剖竹
有朱書曰余霍太山山陽侯天使也三月丙戌余使
汝反滅智氏汝亦立我百邑余將賜汝林胡之地後
果滅智氏遂祠焉

雀關在城西

壇上在澮河南俗傳祭齊姜處

靈公臺在州城西北三十里長秋鎮左傳晉靈公不君
從臺上彈人觀其辟丸卽此地

直隸絳州志

卷之二

古蹟

十

哺飢坂在城北五里趙盾哺翳桑餓夫處傍有靈輒廟

明永樂間修

韓獻子故里在城內省元坊

趙文子故里在城北三十里蘇村

羊舌氏埋羊里在西關 羊舌子好直不容於晉去而
之三室之邑邑人攘羊而遺之不受其妻曰不如受
而埋之羊舌子曰何不餉肸與鮒其妻曰不可南方
有鳥曰吉乾食其子不擇肉子多不義今肸與鮒童
子也隨大人而化不可食以非義乃盛以甕埋 陰
後攘羊事敗吏至發而視之舌尚存吏曰君子哉羊

舌子不與攘羊矣里人陶虛泉有碑記

文中子讀書處在喬溝頭北清濂洞 辛全詩四地都
爭爲故里不知何處果爲眞按隋州守陳叔達乃文
中子門人則絳有讀書處宜也

將臺在橫橋灘薛仁貴投軍立址微存

絳守居園池在州治北隋開皇十六年內軍將軍臨汾
縣令梁軌導鼓堆泉開渠灌田又引餘波貫牙城蓄
爲池沼中建洄漣亭旁植竹木花柳唐長慶中刺史
樊宗師有記見藝文

啟光樓西瀛洞在州城塔東嘉靖九年建

直隸絳州志

卷之二

古蹟

十一

靜觀樓在州治後園正德十六年知州李文潔建有記
星漢樓在鼓堆原名神泓閣嘉靖三十四年知州許用
中更今名

會仙樓在西關后土廟前晉天福年間建嘉靖四十年
重修

嵩巫亭在居園池內宋富鄭公弼建有詩

洄漣亭在州治內創自隋梁軌唐樊宗師有記元至治
中劉名安重構明正德中知州韓轍重修

臨清亭在察院內景泰元年知州劉詵鑿池引鼓堆泉
水歷有題咏

菡萏亭在州治內宋元符閒池生並蒂蓮時淄川周侯

自尙書刑部郎中守絳錄事叅軍張爲有記

曲水亭在州治內琅琊王漢雷孝先有詩

慶安亭在州治內金大定二年郡人孫鎮有記

觀德堂在州治內宋富鄭公弼增而廣之大觀二年重

葺正平簿孟公濟有記

思堂在州治東宋朝散大夫絳州軍事兼管內勸農事

時恪建舊志閩郡徐常記通志張繹作記

潛心堂在州治內宋宣和三年朝請郎權州軍事李皓

有記

直隸絳州志

卷之二

古蹟

十一

南園 無邪堂 快軒金正隆二年觀察韓子端有記

花萼堂在州治內

集古堂元至正初絳帖碑石多散失州守李公求之復

其什之八九序列於集古堂

眞樂窩明辛復元讀書地

養龍池遁甲開山圖云絳州有陽石山神龍池黃帝時

遣雲陽先生養龍於此國有旱卽祀池請雨

冰窟北窟莊西有冰窟溝溝北土洞二其色青其質堅

臘月積冰其中封固畱一孔可容一人出入以便取

水其冰經夏不化今廢

一閒軒陶參議銓養逸處有題咏見藝文

白雲莊韓司空重養逸處有歌咏

菊莊陶恭介琰養逸處有詩咏

天地窟在九原山深壑中文養蒙隱居處

坊表

附

儒林坊在大街東

旌孝坊爲靈邱王仕塲並子成鈺孫聰濶立在三義

廟前

五世進士坊爲陶銓陶璽陶琰陶滋陶登立在貢院

前

直隸絳州志

卷之二

古蹟

十三

大司空坊爲尙書韓重立在貢院東

大司徒坊爲尙書陶琰立在貢院西

大中丞坊爲侍郎孫光祜立於北門內

世沐天恩坊爲知府張與行立於南窟莊

解元坊爲陶琰立於儒林坊東

進士坊爲進士閻調鼎立於大街坊門南

聯捷坊爲武進士張丕猷立於三林鎮北門內

總建節孝坊在城內東槐道同治四年 勅建

陵墓

附

周

晉申生母齊姜墓在州南四里

晉驪姬墓在州南四里澮水北岸萬曆四十二年没

於澮岑嘉州有咏

晉靈公陵在馬首山雲居寺地

晉靈輒墓在州東北五里侯莊古道口

北齊

左丞相咸陽郡王斛律光墓在州衙子城東北隅城

隍廟後

唐

盧尚書墓在北社莊北

直隸絳州志

卷之二

陵墓

十四

宋

叅知政事諡簡肅薛奎龍武將軍薛睦國子博士薛

良孺內殿崇班薛塾墓俱在周村歐陽修有表誌

今塋內塚平止薛睦表一碑獨存

元

御史韓亨甫先塋在城西北四里官道傍有碑

撫州路總管張仲儀墓在城北五里碣銘宋濂撰

廉訪使李思敬墓在城北五里有碑

萬戶孔錦山墓在城西南十五里諭德蕭顛撰碑

劉節度使墓在城北四里侯莊有碑

明

靈邱榮順王陵在城西三十里周村

僖靖王陵在城西北三十里泉掌鎮

莊和王陵在城正西十五里

端懿王陵在城西十五里

康悼王陵在城西十五里

悼懿王陵在龍泉

懷僖王陵在龍泉

刑部侍郎高鐸墓在城北五里

叅議陶銓墓在州東五里大學士焦芳誌

直隸絳州志

卷之二

陵墓

十五

府尹韓英墓在城西五里官道有碑

工部尚書韓重墓在城北三里顏繹誌銘

兵部尚書諡恭介陶琰墓在城北三里奉勅修大學

士李時撰碑

工部侍郎孫光祜墓在磨頭村侍郎晉應槐誌銘

辛全墓在城南五里原村東南

叅議陳恕墓在城東一里

通判諡忠烈陳韜墓在侯莊東北

尚寶司少卿王之翰墓在王莊東北

開州知州王臣直墓在孝陵莊西北

李生光墓在城西南十里中社村

文養蒙墓在義泉村東南

國朝

布政使李翀霄墓在城北長慶莊

通政參議孫錫齡墓在王莊西北

党成墓在吉莊南

李毓秀墓在城北十里吉莊

太史楊作楨墓在丁村西

謝丕振墓在南社莊西南

太史黃洽墓在周莊北

直隸絳州志

卷之二

陵墓

十六

義塚十一一在狄莊南計地一畝一分零東至道西

至吉兆南至道北至党玉一在段家莊西計地四

分五釐東至段英傑西至段化鋪南至溝北至道

一在南關計地二畝八分東至田大毓西至道南

至劉秉健北至道一在站里東北計地一畝七釐

零東至楊枚臣西至堰南至道北至道一在北關

西官道傍計地三畝二分東至道西至城壕南至

郡厲壇北至龍王廟

上五處
男塚

一在窰頭莊東官道

傍計地八分東至道西至党懷信南至道北至張

元泰

上一處
女塚

一在城北南北道西計地十一畝九

分四釐九毫一絲道光四年知州張濤置一在南
關計地一十三畝道光二十九年知州張映南置
一在南平原名恤忠園計地二十二畝周圍有牆
同治八年知州沈鍾置一在寨里南城壕岸計地
四畝光緒五年同善總局置一在寨里村南計地
二畝八分光緒五年州入梁登鰲施

風俗

土俗附

吳季札觀樂爲之歌唐曰思深哉其有陶唐氏之遺民乎不然何憂之遠也

漢書曰參爲晉星其民有先王遺教君子深思小人儉陋又曰水深土厚性多剛直好義任俠當全晉之時固已知其剽悍矣

唐柳宗元晉問平陽堯之所理也有茅茨采椽土型之度故其人至於今儉嗇有溫恭克讓之德故其人至於今善讓有師錫僉曰疇咨之道故其人至於今好謀而深思有百獸率舞鳳凰來儀於變時雍之美故

直隸絳州志

卷之二

風俗

十八

其人至於今和而不怒有昌言儆戒之訓故其人至於今憂思而畏禍有無爲不言垂衣裳之化故其人至於今恬以愉此堯之遺風也

唐杜牧曰魏晉後工機纖雜意態百出俗益俚敝人益脆弱不復沉鷲剛中

宋朱熹唐風傳曰其地土瘠民貧儉勤質朴憂深思遠有唐堯遺風

文獻通考云河東魏晉以來文學盛興閭里之間習於程法

統志云絳州經晉霸之餘人性剛悍多勇敢然勤稼

穡好蓄積

祝氏志云人重廉恥尚道義勤耕織好蓄聚近入於奢
穆氏志云城市之民無寸田多貿易盈難而虛速鄉民
務耕織懸崖崎徑苟可種無閒曠抱布貿易殆無虛
時土狹而瘠使然也

土俗

附

冠禮古者男子二十而冠著成人也今廢

昏禮六禮之中僅存問名納采請期親迎娶曰張宴作
樂富家率以爲常失古者昏不舉樂之意

親迎日擇年相若者飾爲伴郎

直隸絳州志

卷之二

風俗

十九

親喪而娶名爲拜喪遊子未歸而娶名曰空房又男
女初未議昏故而合葬謂之冥配陋俗當禁

喪禮士夫之家不作佛事不用俳優俗反目爲儉親誦
經超度作樂愉尸幢幡塞道力不能備則甯停柩又
多泥堪輿家言卜地卜日動經數歲非力禁不可

祭禮營廟置主惟搢紳家爲然然亦同堂異龕而已民
間惟設木主於寢祭儀大概簡略

歲時社祭夏冬兩舉亦古者報嗇之遺又鄉鎮多香
火會扮社鼓演劇招集販鬻人甚便之然男女聚觀
識者鄙焉

元旦夙興燔柏柴名興旺火陳牲醴果羞祀神祀先家
衆以次跪拜然後出拜戚鄰旬餘乃已立春噉來服
數片名曰齧春元宵張燈架鰲山鼓吹雜戲火樹銀
花城市爲多十六日街巷架鞦韆婦女牽伴遊行名
走百病二十日家食煎餅名添倉

二月二日俗傳龍擡頭家爲鼓箕踏青放紙鳶春分釀
酒醋

清明插柳前數日紙錢穀榼聚族墓祭且加封穀雨畫
符貼牆名曰禁蠹

四月一日插阜角葉卻諸病

直隸絳州志

卷之二

風俗

二十

五月五日以艾蒲插門飲雄黃酒並塗小兒各竅佩硃
砂袋繫五色絲親友以角黍相餽

六月六日曝書衣作麩伏日合醬

七月七日設瓜果童男女乞巧中元薦麻穀果羞焚楮
墓前

中秋陳月餅瓜果望月羅拜相招縱飲
重陽賞菊食糕或攜榼登高飲酒賦詩

十月一日墓祭略同清明惟裁楮象衣名送寒衣十五
日社祭名閉神門

冬至祀始祖相拜揖各塾祭先師生徒詣師叩賀館東

邀宴

十二月五日以各種豆及米作飯名五豆粥八日置果
菜飯中名臘八粥二十三日晚以餅飴祀竈逾日掃
舍宇至年底婚嫁不擇吉除日易門神桃符貼春聯

物產

梁穀

唐常貢絳郡貢梁穀二十石

白穀

唐常貢絳郡白穀五百匹今惟織綿綢與絹朴素無

奇

茉莉

一名奈花

桃花

州境產千葉碧桃數種汾水夾岸數十里紅似綺錦

直隸絳州志

卷之二

物產

二十二

梨

唐常貢絳郡貢梨三千顆今種色尙夥一種大如碗
味甚甘微酢多瀋

楸子

馬首山出色深紅數顆置案上清香滿室

棗

有圓長蓮花蝦蟇牙脆等名

蘿葡

三林出者其大可十五斤甘脆無辛味

水蘿葡

京師種過三年隨土而變則別求種

茄

圓大如盂大者可重二斤十兩膚理肥潔三林出者尤佳

地黃瓜

有青白二色

笋布魯

卽煙草也載舊志

薏苡

土人種之盈畝米可爲粥

直隸絳州志

卷之二

物產

二十三

艾

載平陽府志

氊片

五色俱備可爲衣毯之屬購用頗廣舊作氊帽婦女童稚皆有分功

翡翠

州境間有其色不及廣南

銅

唐天下鑄銅爐九十九惟絳三十當時鑄錢率倚於絳今廢

金魚

種自南來州人畜之得法滋生甚蕃

葡萄清

王翰序云洪武辛酉謁禹廟有以葡萄清餉者其甘寒清冽雖金盤露玉杵霜不能過也

墨

唐常貢絳郡貢墨一千四百七十挺今廢

硯

歐陽修硯譜絳石一種色白文有花浪與牛角無異可以研硃

直隸絳州志

卷之二

物產

二十四

按物產不過備志乘一門無關輕重若以各郡邑悉產之物一一備載殊覺繁瑣今就省志所載并舊志中摘其著名而爲他處所少者列于篇餘不贅